

«АРМЛЕС»
ГОСУДАРСТВЕННАЯ
НЕКОММЕРЧЕСКАЯ ОРГАНИЗАЦИЯ
Директор

«ՀԱՅԱՆՏԱՌ»
ՊԵՏԱԿԱՆ ՈՋ ԱՌԵՎՏՐԱՅԻՆ
ԿԱԶՄԱԿԵՐՊՈՒԹՅՈՒՆ
Տնօրեն

«HAYANTAR»
STATE NON-COMMERCIAL
ORGANIZATION
Director

Երևան-0047, Ա.Արմենակյան 129

Հեռ. 010/65-37-16, 010/65-02-35

22.02.21թ. N 01-10/22

Ձեր _____

ՀՀ հաշվեքննիչ պալատի անդամ
պարոն Դ. Չիբուխչյանին

Հարգելի պարոն Չիբուխչյան,

«Հաշվեքննիչ պալատի մասին» ՀՀ օրենքի 35-րդ հոդվածի 3-րդ մասի պահանջներին համապատասխան ներկայացնում է «Հայանտառ» ՊՈԱԿ-ի նկատմամբ ստուգման առաջադրանքների շրջանակներում կազմած արձանագրության վերաբերյալ առարկություններ և բացատրություններ:

1-ին գլուխ 5-րդ կետի վերաբերյալ

«Հայանտառ» ՊՈԱԿ-ի 2017թ-ի գնումների պլանով արտաբյուջետային միջոցների հաշվին նախատեսվել է իրականացնել 225,492.4 հազ. դրամի գնումներ, սակայն իրականացվել է միայն 36,932.0 հազ. դրամի, իսկ 2018թ-ին նախատեսված 396,505.2 հազ. դրամի փոխարեն՝ 133,553.4 հազ. դրամի: Գնումների մասին ՀՀ օրենսդրության համաձայն (ՀՀ կառավարության 2017 թվականի մայիսի 4-ի N 526-Ն որոշման կետ 11, 21 և 2011 թվականի փետրվարի 10-ի N 168-Ն որոշման կետ 11) գնման ընթացակարգը սկսելու համար սահմանվում է պատասխանատու ստորաբաժանում, որը կազմում է գնման հայտը և հերթական համարակալումով, իր կողմից հաստատվելու օրը գրությամբ փոխանցում է գնումները համակարգողին: Ուստի իրականացվել են միայն այն ընթացակարգերը, որոնց մասով ներկայացվել են գնման հայտեր:

2-րդ գլուխ 2.1 կետի վերաբերյալ

«Գուգարքի անտառտնտեսություն» մասնաճյուղի տրամադրված տեղեկատվության համաձայն 2017թ. ԳՄՀԸ ծրագրով իրականացված աշխատանքների համար ծախսվել է 1.080.000 ՀՀ դրամի տրանսպորտային ծախս: Կից ներկայացվում է հիմնավոր փաստաթղթերը՝ առդիր 8 էջ:

2-րդ գլուխ 2.2 կետի վերաբերյալ

«Տոյոտա Երևան» ՍՊԸ-ի հետ կնքված բարձր անցողունակությամբ մեքենայի մատակարարման ՀԱ-ԲՄԱՊՁԲ-18-2 պայմանագրով նախատեսված մատակարարման ժամկետը երկարաձգվել է 30 օրով՝ մինչև 10.11.2018թ., կողմերի

միջև 09.10.2018թ-ին կնքված N ՀԱ-ԲՄԱՊՁԲ-18-2 պայմանագրում փոփոխություն կատարելու մասին համաձայնագրով (կցվում է):

Տրակտորի և փայտածուխի արտադրամաս գնման առարկաները ներառված չեն եղել 2018թ-ի փետրվարի 1-ին հրապարակված գնումների պլանում, քանի որ D-230118/2-25 նվիրաբերության պայմանագիր կնքվելուց հետո վարվել են բանակցություններ ձեռք բերվելիք ապրանքների վերաբերյալ, վերջնական համաձայնագիր D-230118/2-25 նվիրաբերության պայմանագրում փոփոխություն կատարելու մասին կնքվել է 2018 մայիսի 15-ին, որի համաձայն գնումների պլանում կատարվել են փոփոխություններ: Գնումների պլանում ապրանքները ներառվել են մայիսի 17-ին, որից հետո սկսվել է գնման գործընթացները:

2018 թ-ին սղոցարանները ձեռք են բերվել գնանշման հարցման ընթացակարգով, նախահաշվային գինը ձևավորվել է 2018 թվականին շուկայի ուսումնասիրության արդյունքում: Աշոտ Հակոբյան ԱՁ-ից 750 հազ. դրամով 2017թ-ն ձեռք բերված սղոցարանը ձեռք է բերվել մեկ անձից գնման ընթացակարգով, գինը ձևավորվել է բանակցությունների արդյունքում:

2-րդ գլուխ 3.1 կետի վերաբերյալ

«Գուգարքի անտառտնտեսություն» մասնաճյուղում անհրաժեշտություն է առաջացել կատարելու խնամքի (լուսավորում, մաքրում) հատում: 19.12.2017թ-ին հատաեղային ֆոնդը փոփոխվել է՝ ավելանալով 5 խմ-ով, հիմք ընդունելով 19.12.2017 թ-ի N 90 հրամանը:

2-րդ գլուխ 3.5 կետի վերաբերյալ

16.01.2017 թ-ի N-03 հրամանով հետագա որակագրկումից խուսափելու և հակահրդեհային անվտանգությունից ելնելով թերհատ մնացած 7 հատատեղերից երկարաձգվել է քամատապալ հատատեղերի անտառահատման տոմսերի ժամկետները:

2-րդ գլուխ 3.7 կետի վերաբերյալ

ՀՀ կառավարության 2006թ. հունիսի 22-ի թիվ 897 որոշման հավելվածի VII և VIII գլուխների պահանջների սանիտարական հատումները ուղղված են տնկարկների սանիտարական վիճակի բարելավմանը և արտադրողականության բարձրացմանը: Հատումներն իրականացվում են տնկարկներում բնականորեն տապալված, ցցաչոր, քամատապալ, ձնակոտոր, ինչպես նաև վնասատուներով և հիվանդություններով վարակված, հրդեհների և այլ պատճառների հետևանքով կենսունակությունը կորցրած ծառերի հեռացմամբ: Նշված հատկանիշներով ծառերից մթերվող շինափայտը հիմնականում համապատասխանում է 3-րդ կարգի շինափայտի դասակարգման հատկանիշներին (ՀՀ գյուղատնտեսության նախարարի 2013թ. մայիսի 6-ի թիվ 80 հրաման, գլուխ 3՝ «Փայտանյութի որպես շինափայտ մթերմանը ներկայացվող պահանջները»):

Հատատեղերի հատկացման ժամանակ ծառերից մթերվող շինափայտերի երկարությունները որոշվում են աչքաչափորեն և իրենցից ներկայացնում են հաշվարկային (կանխատեսվող) ցուցանիշներ, իսկ դրանց վերջնական և ճշգրիտ ծավալները արձանագրվում են մթերման և իրացման ժամանակ, անհրաժեշտության

դեպքում գնորդի և վաճառողի փոխադարձ համաձայնությամբ թույլ են տրվում կիրառել շինափայտի երկարության այլ չափեր (<< գյուղատնտեսության նախարարի 2013թ. մայիսի 6-ի թիվ 80 հրաման, գլուխ 3՝ «Փայտանյութի որպես շինափայտ մթերմանը ներկայացվող պահանջները»):

2-րդ գլուխ 3.8 կետի վերաբերյալ

Անտառահատման տոմսերում և բնափայտի վաճառքի հաշվետվություններում նշված տարբերությունները պայմանավորված են նրանով, որ անտառահատման տոմսերում անտառանյութի ծավալները հաշվարկվում են ծավալների հաշվարկման աղյուսակներով, որը կարող է տարբերվել մթերումից ստացված փաստացի ծավալից: Բացի այդ, մթերված փայտանյութի ծավալը չի կարող համընկնել իրացված ծավալների հետ, եթե առկա է մնացորդ անտառանյութ:

2-րդ գլուխ 6.4 կետի վերաբերյալ

2017-2018 թվականներին դրամաշնորհի ձևով տրամադրված միջոցներն ուղղվել են աշխատավարձի ֆոնդի համալրմանը և դրամաշնորհի պայմանագրից բխող ԱԱՀ գծով պարտավորությունների մարմանը, որը չի ենթադրում Գնումների մասին ՀՀ օրենսդրությամբ նախատեսված ընթացակարգերի կիրարկում:

Ինչ վերաբերվում է 6.4 կետում նշված ձեռքբերումներին, ապա դրանք կատարվել են ՊՈԱԿ-ի արտաբյուջետային միջոցների հաշվին:

Կից ներկայացվում է արձանագրության ստորագրված տարբերակը:

Հարգանքով՝
պաշտոնակատար



Պ. Յուզունյան